

中國方志叢書·華中地方·第八一號

據


清·何乃容等修·潘樹棠等纂
清·光緒二年刊本

影印

浙江省

縉雲縣志

(一)



成文出版社有限公司印行

5475/08



10105943

中國方志叢書·華中地方·第八一號

據

清·何乃容等修·潘樹棠等纂
清·光緒二年刊本

影印

浙江省

縉雲縣志

(三)

成文出版社有限公司印行



10105938

中華民國五十九年七月壹一版

縉雲縣志

全三冊

發行人：黃 成 助

出版者：成文出版社有限公司

台北郵政信箱二二六〇五號
台北郵政信箱二二六〇五號
台北市羅斯福路三段279之二號
電話：三三〇一三二號

印刷者：東南印製廠有限公司

和平西路二段70巷83弄29號

內政部登記證內服台業字第一一四七號

緡雲縣志卷之五

同知銜緡雲縣知縣何乃容纂修

禋祀

禋之言煙也鄭高密乃爲此解詩曰取蕭禮曰蕭光
焄蒿悽愴其謂神之著乎然許浚長慎亦有言精意
以享曰禋其斯爲誠敬之至已里俗有不入祀典者
非淫祀亦列以附焉

社稷壇在縣治北三里北向右社左稷

大清會典直省府州縣擇爽塏之地建社稷壇均北嚮
歲以春秋仲月上戊日爲民祈報皆正官將事以教

官糾儀生員充禮生以掾史執事社稷位前各帛一

鉶一簋二簋二邊四豆四爵三共羊一豕一尊一祭

日雞初鳴承祭官以下咸朝服齊集黎明贊引禮生

二人引承祭官詣盥洗所盥洗通贊禮生贊執事者

各司其事

以下自迎神至望瘞皆唱贊

贊引禮生贊就位引承祭

官至階前拜位立引班禮生二人分引陪祭官文東

武西

班與外省朝賀同

各就拜位序立乃迎神贊引贊升壇

引承祭官升壇詣香案前司香跪奉香贊引贊上香

承祭官三上香贊復位引承祭官降復位贊跪叩興

承祭官行三跪九叩禮陪祭各官皆隨行禮奠帛初

獻爵司帛奉篚進跪奠篚司爵奉爵進獻爵奠正中
皆退司祝禮生至祝案前跪承祭官暨陪祭各官皆
跪司祝讀祝詞曰維某年月日某官某致祭於

社

稷之神曰惟

神奠安九土粒食萬邦分

五色以表封圻育三農而蕃稼穡恭承守土肅展明

禋時屈伸

春秋

敬修祀典庶九九松柏鞶磐石於無疆

翼翼黍苗佐神倉於不匱尙

饗畢詣神位前跪安

於案叩如初退承祭官暨陪祭各官行三叩禮亞獻

爵奠於左終獻爵奠於右均儀如初獻乃徹饌送神

承祭官行三跪九叩禮陪祭各官皆隨行禮司祝奉

祝司帛奉帛恭送瘞所承祭官轉立拜位西旁東面
俟祝帛過復位引至望瘞位望瘞贊告禮成引退眾
皆退

神祇壇

亦曰風雲雷
雨山川壇

在縣治前溪南南向

大清會典直省州縣各建神祇壇以春秋仲月諏日致
祭設案一於壇正中南嚮中設雲雨風雷之位左設
本境山川之位右設本境城隍之位陳鉶二簋二簋
二遵四豆四案前設俎一陳羊一豕一又前設案一
供祝版辭曰維某年月日某官某致祭於

雲雨

風雷

山川

城隍之神曰維

神贊襄天

澤福佑蒼黎佐靈化以流形生成永賴乘氣機而鼓
盪溫肅攸宜磅礴高深長保安貞之吉憑依鞏固實
資捍禦之功幸民俗之殷盈仰 神明之庇護恭

修歲祀正值良辰敬潔豆籩祇陳牲幣尙 饗陳香

盤一鑪一鐙二西設案一陳帛七尊一爵二十有一

陳福酒福胙於尊俎之次餘儀與祭社稷同孟夏諏

日行常雩禮陳設儀注皆如之若常雩後不雨守土

長吏諏日具祝文

隨時撰擬

備牲牢率所屬致齋修省虔

禱爲民請命旣應而報陳設禮儀均與春秋常祭同

若久雨祈晴冬旱祈雪禮亦如之

雩祭 乾隆七年御史徐以升奏古有雩祭之典逢亢旱則又有雩請倣古禮每年屆期擇吉日致祭偶遇亢旱卽於此望告嶽瀆海鎮及山川能出雲雨者倘雨水過多請照祭水旱之例亦於雩壇致禱停止僧道諷經下禮部議歷代旱雩之禮皆七日一祈唐制斟酌較善宜加參訂孟夏龍見擇日行常雩禮旱則從各壇祈禱旱甚乃大雩雨足則報祀或已齋未祈而雨及所會經祈禱者皆報祀齋期祭品皆如常儀久雨祈晴倣春秋左傳伐鼓用牲於社及文獻通考禋祭國門之禮視水來最多之門而祭仍雨不止則

伐鼓用牲祭於社祈求晴雨之日照例禁止屠宰不理刑名其直省府州縣衛孟夏擇日行常雩禮或有亢旱亦皆七日先祭界內山川次祭社稷不雨仍祈禱如初但不得用大雩之禮亦不必另設雩壇其社稷藉田等壇壝可以恪恭將事其或霽潦爲災則伐鼓用牲祭城門以祈晴霽但照舊行儀注奉

旨是依議二十一年奉文所需祭品照例陳設每州縣酌

用祭銀五兩

司庫給

先農壇在東郊距城五里雍正五年知縣戴世祿奉文建立壇宇並置藉田肆畝玖分

大清會典直省府州縣均歲以仲春吉亥行耕籍禮各於治所東郊建先農壇前期二日各祭齋於公所掃除壇壝內外祭日雞初鳴設神案於壇正中南嚮陳銅一簠簋各二籩豆各四案前設俎陳羊一豕一又前設香案一陳祝文辭曰維某年月日某官某致祭於先農之神曰惟神肇興稼穡立我烝民頌思文之德克配彼天念率育之功陳常時夏茲當東作咸服先疇洪惟

九五之尊歲舉

三雅之典恭膺守土敢忘勞民謹奉彝章聿修祀事惟願

五風十雨嘉祥恒沐

神庥庶幾九穗雙歧上瑞

頻書大有尙 饗香盤爐鐙左設一案東向陳帛一
尊一爵三陳福酒福胙於尊爵之次設洗盥於階下
之東餘儀與祭社稷壇同禮成更采服率屬行耕藉
禮正官秉耒耆老一人牽牛農夫二人扶犁祿職官
奉青箱播種每歲收穫以供祭祀之粢盛督撫以奉
行耕藉日期具疏以聞

祭畢更換蟒服行耕藉禮

農具赤色牛黑色種箱青色知縣扶犁典史播種耆

老一人牽牛九推九返農夫終畝

耕畢率僚屬耆老農夫望

闕行三跪九叩首禮

先師廟

詳學校

名宦祠

鄉賢祠

忠義祠

節孝祠

以上俱見學校

關帝廟舊在下市街乾隆二十九年知縣令狐亦岱移

建城西隅前後二殿

自爲記曰國家自畿輔至郡邑載在秩宗使天下通祀者自

文廟外惟帝廟爲重然孔子之道大而能博門弟子猶不能遍觀盡識而帝之靈能使小夫婦人莫不奔走駭伏故其感人易入而化人尤速嗚呼此非浩然之氣塞天地配道義有雖遠而不朽逾久而彌存者歟縉故有廟在下市街基址狹隘口就傾圯余懼其陋而易褻也相地城西得蔡院舊基上諸臺司既報

可乃捐俸爲倡邑人士亦欣然赴功經始於乾隆二
 十九年十月落成於乾隆三十一年五月前爲戟門
 爲大門爲戲臺拾級而上爲前廳每只朔望宣講
 聖諭並考課文武諸童悉於斯中爲大殿易像爲主配以
 闕廖周王四將軍東西列屋二十楹後爲三公殿殿
 前後月池二左右廂樓各四再後爲結義亭右爲火
 廂飾以丹漆繚以垣墉輪奐一新向之狹隘傾圯者
 今且規模宏遠矣工既訖執爵致祭因諗於眾曰若
 亦知余創建之意乎夫帝之靈爽譬諸天地日星無
 所不照其不繫乎一邑之興廢也久矣而余獨汲汲
 倡是役者豈以廟貌聿新遂足妥帝之靈歟蓋
 國家春秋享祀非是不稱且小夫婦人向爲狹隘傾圯
 中猶奔走駭伏一旦入其廟制度巍然堂構秩然耳
 目改觀心思倍奮吾知其去奇邪而從善良也決矣
 卽五雲士子入學鼓篴若能以帝之治春秋者施之
 君臣朋友間將進爲名臣退亦不失爲善士則是役
 也上以廣朝廷尊崇之意下以宏學校教化之功
 又豈區區一時之興廢舉墜云爾哉旣以諗於眾退
 而爲日久傾圯同治十二年知縣何乃容命邑紳應
 之記

學芹等捐修爲之記

曰天下事不能有盛而無衰亦不能有興而無繼興廢舉墜是

亦在乎與時變通而已謹按帝廟向在下市街乾隆二十九年

前縣尹令狐亦岱得察院舊基移建每

月朔望宣講

聖諭

並考課文武生童於此一時人文稱盛迨咸豐十年

燬於粵寇僅存大門照牆故址此外多半傾圮予於

同治 秋莅任入廟瞿然驚曰是有司事也此而

不修將待何時乃捐俸爲倡邑人士欣然從之爰將

前廳大殿廣加修飾其東西兩廡暨後之三公殿

結義亭則重建焉規模式循其舊輪奐業已一新是

役也鳩工庀材經營三載民力不可謂不勞兵燹之

餘輸捐踴躍民心不可謂不義用能勦成大工洵足

妥神靈而昭誠肅異日起頑立懦崇善黜邪是所望

於邑人士矣書曰不作無益害有益功乃成今而知

盛衰之理無定程而興繼之理有足據也是爲記

大清會典直省俱設立關帝廟春秋仲月諏吉及五月十

三日均致祭前殿以地方正印官主祭後殿以丞史

將事執事以禮生祭日陳設牲牢器數及迎神上香
奠獻讀祝送神視燎儀注均與京師同

前殿設

忠義神武靈佑關聖大帝神位

嘉慶十年奉

旨加封仁勇道光八年加封威顯成豐年間加封保國護
民同治九年加封精誠今定封號爲忠義靈佑仁勇
威顯保國護民
精誠關聖大帝

後殿設

光昭公

裕昌公

成忠公位

雍正五年追封

前殿神位設牛一羊一豕一登一鉶二簋簋各二邊
豆各十鑪一鐙二殿中設一案少西北向供祝版辭
曰維某年月日某官某致祭於 忠義神武靈佑仁
勇威顯保國護民精誠關聖大帝之神曰惟 神秀
毓河山名垂今古英風正氣世歷久而彌新大節純
心史相傳而莫匹念神靈之顯著命典禮以優隆茲
當仲春秋用昭時饗尙其歆格鑒此精虔尙 饗
五月十三祝辭曰維某年月日某官某致祭於 忠義神
武靈佑仁勇威顯保國護民精誠關聖大帝之神曰
惟 神純心取義亮節成仁允文允武廼聖廼神功